

## Ո Ր Ո Շ ՈՒ Մ

Ճանապարհային ոստիկանության վարչական տույժ նշանակելու մասին 11.08.2023թ. թիվ 2316883319 որոշումն անփոփոխ, իսկ վարչական բողոքն առանց բավարարման թողնելու մասին

<<06>> 10 2023թ. 7-13- 10369

ք.Երևան

Ճանապարհային ոստիկանության պետ, ոստիկանության գնդապետ Ն.Սարգսյանս, վերանայելով Մանվել Միկաելյանի ՄԴ/78611-23 դիմումի քննարկման արդյունքում ստեղծված նյութերը՝

## Պ Ա Ր Զ Ե Ց Ի

Կոտայքի մարզի Ջրվեժ գյուղի Ա թաղամասի 25 փողոցի 20 տան բնակիչ Մանվել Միկաելյանը դիմումով խնդրել է բեկանել Ճանապարհային ոստիկանության վարչական տույժ նշանակելու մասին 11.08.2023թ. թիվ 2316883319 որոշումը՝ նշելով, որ չի գերազանցել սահմանված արագությունը: Միաժամանակ խնդրել է տրամադրել արագաչափ տեսագրանցումով սարքի ստուգաչափման վկայականի պատճենը:

Դիմումի քննարկման արդյունքում պարզվել է, որ Ճանապարհային ոստիկանության վարչական տույժ նշանակելու մասին 11.08.2023թ. թիվ 2316883319 որոշումը ենթակա է կատարման հետևյալ պատճառաբանությամբ.

<<Տեսանկարահանող կամ լուսանկարահանող սարքերով հայտնաբերված ճանապարհային երթևեկության կանոնների խախտումների վերաբերյալ գործերով իրականացվող վարչական վարույթի առանձնահատկությունների մասին>> օրենքի 3-րդ հոդվածի 1-ին մասի համաձայն՝ վարչական վարույթի իրավախախտման հատկանիշների պարզման փուլում իրավախախտումը հիմնավորող ապացույցը իրավախախտումն ամրագրած տեսանյութն է կամ լուսանկարը, որը պարունակում է նաև տեխնիկական միջոցով արձանագրված տվյալները: Նույն հոդվածի 2-րդ մասի համաձայն՝ որպես իրավախախտումը հիմնավորող ապացույց վարչական կամ դատական կարգով բողոքարկման վարույթում կարող են օգտագործվել Վարչական իրավախախտումների վերաբերյալ Հայաստանի Հանրապետության օրենսգրքի 251-րդ հոդվածով նախատեսված ապացույցները:

<<Չափումների միասնականության ապահովման մասին>> օրենքի պահանջներով պայմանավորված Հայաստանի Հանրապետությունում շահագործվող բոլոր արագաչափ սարքերը սահմանված ժամկետում և կարգով ստուգաչափված են, հետևաբար, սահմանված արագության գերազանցման փաստը <<TOYOTA>> մակնիշի MM777XX հաշվառման համարանիշի տրանսպորտային միջոցով կատարված լինելու հանգամանքը չի կարող կասկածի տակ դրվել, քանի որ լուսանկարում նշված է տրանսպորտային միջոցի

երթևեկության գոտին, ուղղությունը, տեսակը, արագությունը, ինչպես նաև իրավախախտման ժամը, օրը, ամիսը, տարեթիվը:

Ըստ արագաչափ սարքի տեխնիկական բնութագրի՝ այն փոխադրամիջոցը, որի արագությունը համարվում է չափված, պետք է առնվազն մասամբ գտնվի **նկարի երրորդ քառորդում՝** ընթացքի ուղղությամբ (**գնահատման գոտի**): Գնահատման գոտում չպետք է լինի միևնույն ուղղությամբ շարժվող որևէ այլ փոխադրամիջոց՝ նույնիսկ մասամբ: **Հակառակ ուղղությամբ շարժվող փոխադրամիջոցները կարող են գտնվել գնահատման գոտում:**

ՀՀ կառավարության <<Ճանապարհային երթևեկության կանոնները և տրանսպորտային միջոցների շահագործումն արգելող անսարքությունների ու պայմանների ցանկը սահմանելու մասին>> 28.06.2007թ. թիվ 955-Ն որոշման 70-րդ կետի համաձայն՝ բնակավայրերում և բնակավայրերից դուրս ճանապարհների առանձին հատվածներում, 3.24՝ «Առավելագույն արագության սահմանափակում» նշանի կիրառմամբ, կարող է սահմանվել սույն կանոնների 68-70-րդ կետերով սահմանված առավելագույն արագությունից ինչպես ցածր, այնպես էլ բարձր արագություն:

Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 1-ին մասի համաձայն՝ երթևեկության սահմանված արագությունը 1-10 կմ/ժ-ով գերազանցելը՝ առաջացնում է տուգանքի նշանակում՝ յուրաքանչյուր գերազանցված կմ/ժ արագության համար՝ նվազագույն աշխատավարձի չափով:

Վիճարկվող որոշման անհատական ծածկագրի տակ զետեղված լուսանկարի մանրակրկիտ ուսումնասիրությամբ հստակ է դառնում, որ չի կարող կասկածի տակ դրվել իրավախախտումը հենց <<TOYOTA>> մակնիշի MM777XX հաշվառման համարանիշի տրանսպորտային միջոցով կատարված լինելու հանգամանքը, **քանի որ այն գտնվում է լուսանկարի գնահատման գոտում և գնահատման գոտում միևնույն ուղղությամբ շարժվող, նույնիսկ մասամբ, որևէ այլ փոխադրամիջոց առկա չէ:**

Այսպիսով՝ ակնհայտ է, որ ՀՀ Մ-4, Երևան – Սևան ավտոճանապարհի 28.5 կմ. ճանապարհահատվածում տեղադրված 3.24՝ (70կմ/ժ) <<Առավելագույն արագության սահմանափակում>> ճանապարհային նշանի ազդման գոտում առկա արագաչափ սարքով արձանագրվել է դիմումատուի տրանսպորտային միջոցի փաստացի արագությունը՝ 82 կմ/ժ, հանելով արագաչափ սարքի հնարավոր սխալանքի 10 կմ/ժ չափը, գերազանցել է երթևեկության սահմանված արագությունը 2 կմ/ժ-ով, ինչի համար Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 1-ին մասով նախատեսված է վարչական պատասխանատվություն, հետևաբար վարչական տույժ նշանակելու մասին վերը նշված որոշումն իրավաչափ է և օրինական:

Հարկ է նշել, որ Վարչական իրավախախտումների վերաբերյալ ՀՀ օրենսգրքի 124.4-րդ հոդվածի 1-ին մասի պահանջը խախտելու համար արարքը նվազ նշանակություն ունեցող գնահատելու կարգ սահմանված չէ (դիտավորություն, անզգուշություն և այլն):

Ելնելով վերոգրյալից և ղեկավարվելով Վարչական իրավախախտումների վերաբերյալ  
ՀՀ օրենսգրքի 293-րդ հոդվածի 1-ին մասի 1-ին կետով՝

### Ո Ր Ո Շ Ե Ց Ի

1. Ճանապարհային ոստիկանության վարչական տույժ նշանակելու մասին 11.08.2023թ.  
թիվ 2316883319 որոշումը թողնել անփոփոխ, իսկ վարչական բողոքն առանց  
բավարարման.
2. Սույն որոշումն ուժի մեջ է մտնում հանձնելու օրվան հաջորդող օրը և կարող է  
բողոքարկվել ՀՀ Վարչական դատարան օրենքով սահմանված կարգով և  
ժամկետներում.
3. Սույն որոշման օրինակը և արագաչափ տեսագրանցումով սարքի 71982  
գործարանային համարի ստուգաչափման թիվ 078374 վկայականի պատճենն  
ուղարկել Մանվել Միկայելյանին:

Կատարող Ա.Ալեքսանյան  
Հեռ. 011544783



ՀԱՅԱՍՏԱՆԻ ՀԱՆՐԱՊԵՏՈՒԹՅՈՒՆ  
ԷԿՈՆՈՄԻԿԱՅԻ  
ՆԱԽԱՐԱՐՈՒԹՅՈՒՆ



«ՍՏԱՆԴԱՐՏԱՑՄԱՆ ԵՎ  
ՉԱՓԱԳԻՏՈՒԹՅԱՆ  
ԱԶԳԱՅԻՆ ՄԱՐՄԻՆ» ՓԲԸ

ՍՏՈՒԳԱՉԱՓՄԱՆ ԿԿԱՅԱԿԱՆ № 078374 \*

Ստուգաչափման թվականը 2022 թ. 09 «29»

Ուժի մեջ է մինչև 2023 թ. 09 «29»

Արագաչափ անալոգային

Գործարանային հմ. 41922

Տեսակը Multa Radar S2 S20

Չափման տիրույթը (10÷250) կմ

ճշտության դասը, կարգը (սխալանքը) ± 1 կմ/ժ, 1%

Արտադրողը Վե.Տառնիս

Պատկանում է Անգլի-Բի Դ.Բ.Տ. ՍՊԸ

իրավաբանական, ֆիզիկական անձ/ անհատ ձեռնարկատեր, անվանումը անուն ազգանուն

Ստուգաչափման արդյունքների հիման վրա չափման միջոցը

բավարարում է սահմանված պահանջներին:

Ստուգաչափումը կատարվել է համաձայն ROBOS/54/392/25.02 10/

ստուգաչափման մեթոդիկայի անվանումը, նշագիրը

RU/AMT

Ստուգաչափող



Ստուգաչափման դրոշմի արտատիպը

Գրեյս  
ստորագրություն

Գ. Նիկոլայան  
անուն ազգանուն

Բաժնի (Լաբորատորիայի վարիչ) պետ

Երվանդ  
ստորագրություն

Ս. Մազադյան  
անուն ազգանուն

Հաստատված է ՀՀ տնտեսական զարգացման և ներդրումների մախարարի 19.02.2018թ. թիվ 133-Ն հրամանով

Հանձնարարվել է 16.09.2024 թ. 5 Ս. Մազադյան Վ. Նիկոլայան